

– Բայց ի՞նչ կը շտապես, – ըսաւ Խոսրով, – մենք մեր աղջիկը ազատեցինք, բայց հոն պետք է ուրիշ հայ աղջիկներ ալ գտնուին, որ կարելի չէ այդ կատաղի կնոջ ձեռք ձգել, ազատենք նոքա էլ: Չրուցէ, Արիգա, դեռ ուրիշ հայ աղջիկ կա՞յ ներսը:

– Չորս հատ փոքր աղջիկներ կան, մէկը իմ տարիքովս հազիւ կը լինի:

– Մեծերուն մէջ հայ չի կա՞յ ամենեւին:

– Երկու հատ կային, բայց հանրմը այնչափ չարչարեց, որ յուսահատեցան՝ խաչին վրայ կոխեցին եւ Քրիստոս ուրացան:

– Դո՛ւ ի՞նչ բանի համար բանտն էիր, – հարցուց Խոսրով:

– Ես էլ չգիտեմ, ամիս մը կայ, որ հանրմը ամուսնոյն հետ վեճ մը ունեցաւ, զիս անոր առջեւ սաստիկ ծեծեց, եւ անկից ի վեր բանտն եմ. դեռ վերքերս նոր առողջացան:

– Շա՛տ բարի. դուք հայր ու աղջիկ իրարու հետ տեսնուեցէք, ես պետք եղածը հոգամ: – Երբ ելաւ, տեսաւ, որ կանանոցին դռները բացուեցան եւ սեղան մը կերակուրներով զարգար եալ դուրս կը հանէին երկու սեւ ստրուկք, երկու ուրիշ ստրուկք էլ պարկերով ձիաններուն գարի կը բերէին: Գարին առնուլ հրամայեց, իսկ կերակուրները ետ դարձնել. նոյնպէս լուր դրկեց, որ տանտերը շուտով դուրս գա, վասնզի հարկաւոր բան ուներ գրուցելու:

Երբ Ալի եկաւ, Գուրգէն զինք մէկ կողմն առաւ եւ ըսաւ.

– Այստեղ չորս փոքրիկ հայ աղջկունք կան, եւ երկու էլ չափահաս, որ նոր ուրացեր են իրենց կրօնքը, այդ վեց աղջիկները հիմա մեզ պետք է յանձնուին:

– Բայց անկարելին կ'ուզէք, ինչպե՛ս կրնամ ձեր այդ պահանջմունքը Տիկնոջ հաղորդել, այդ աղջիկներն իրեն արծաթագին աղախիսներն